

Date – 24/04/2024

Time - 7:30 -7:40Hrs

## REGIONAL NEWS BULLETIN

### HEADLINES (MORNING)

1. Agriculture lama thiamna inhlanchhawng turin (ATMA), Champhai District leh Tuipuiral Apple Growers Cooperative Society Limited-te ten thawhdunna thuthlung an ziak.
2. Tukin dar 5:00 vel khan Kolasib Vengthar a chungkaw pathum luah lai Assam type In, chhawng thum chu bungrua engmah chuh hman loh in a kang.
3. Lok Sabha Inthlanpui thawh hnihna atan Campaign uar taka neih a ni a, campaign hun hi vawiin hian khar a ni ang.

<><><>

### ATMA

Agricultural Technology Management Agency (ATMA), Champhai District leh Tuipuiral Apple Growers Cooperative Society Limited-te chuan thawhdunna thuthlung Memorandum of Under Standing an ziak a. ATMA Champhai District aiawhin Project Director Dr. C. Lalhriatpuia leh Tuipuiral Apple Growers Cooperative Society Limited aiawhin Pi Lalchhuanawmi Ralte, Chief Executive Officer te'n MoU ah hian hming an ziak a ni.

He thawhdunnaah hian pawisa lam financial engagement a awm lo a, MoU hian a tum ber chu Agriculture lama thiamna inhlanchhawnte, training leh demonstration kalpuite, tunlai thiamna hmanga huan thlai chinte, uluk zawka tuihna enkawl inzirtirte, Agriculture chemical-te renchem taka hman leh environment tichhe lova a tha zawnga hman a nih zawk theih nana changpat ek leitha tam tham a siam chhuahte a ni a. Hengte hian loneitute chu thingthlang lo neih bansana, tunlai thiamna hmanga loneih 'Scientific Agriculture' lam zawk an thlan theih nan a puih theih ngei beisei a ni.

<><><>

### SAITUAL DC PRESS CONF

Saitual District-a Polling Party te chetvelnaa Maxicab hman chungchangah inremna ang lo deuha lirthei hman man inpek a awm nia sawi, social media-ah tarlan chungchang chu Saitual District Election Officer Dr.Lalngura Tlau chuan a sawifiah a, he thil hi Sawrkar, DC Office leh District hmingchhiat theihna a nih avangin pawu a tih thu sawiin thil awmzia hriat chian tawh loh vang a ni a ti.

Maxicab bik hman chungchangah hian Maxicab Owners Association hruaitute chu inremna siampui an ni a, kum hmasa State Assembly-2023 inthlana inremna lo siam tawh angin kalpui leh tura inbiakna piah lamah MLA inthlana ni khata hire rate Rs. 5,500/- chu Rs.6,000/-ah tihsansak an ni a. Hemi bakah hian an chaw ei man tur pek an ni bawh. He inremnaah hian Driver tam zawk chu an lungawi laiin, V Laldusaka, Ngopa Maxicab Driver leh a

thuralpui mi pali panga vel ten midang lungawi tawh pawh la lo turin an thlem a, mahse a tam zawk hian lungawi takin an pawisa dawn tur chu an la fel vek a ni a ti a. Driver dang thuralpui tur an hmuh zawh tak loh avangin V Laldusaka leh a thuralpuite pawh hian hire man chu an la leh vek tho a, APR pawh an sign thlap bawka ti a.

Thu dik ziktluak lo leh thil awmzia dik tak hriat chian a nih hma-in Khawlbawm channel neitu, Lalhmingsanga, Hmingtea tia koh bawkw, Lunglei Farm Veng chuan You Tube lamah thudik ziktluak lo leh zeldin thu hmangin Dc Office chu a chhuah hmingchheia a ni an ti a, .

He channel neitu hian thil awmzia a hriat hnuah chuan a video lo siam tawh chu delete-in a sawifiahna video pawh a dah thar leh tawh ni. Maxicab driver te hi a theih chin chinah duat leh duhsak an ni a, thlen in chungchangah te, ei leh in chungchangah te harsatna an tawh loh nan leh anmahni Polling Station-a vote an thlak theih nan te an khaw hnaivaia an duty dan tur ruahmansak an ni. Tin, Driver te hi P-2 a an rawn luh zan tih loh chu an ei leh in man pawh tumsak vek an ni a ti.

Hetianga intihmualphona leh intihhmingchhiat tumna hi tun hnuah chuan thleng tawh lo se a duhawm hle a. A thleng nawn leh a nih chuan rorelna sang zawk Court-a chinfel tura hma lak a ni ang an ti a ni.

ASF

Aizawl Veng pahnih Kulikawn leh Salem Veng ah tunlai hian vawkw pul hri, African Swine Fever (ASF) a leng mek a, vawkw eng emaw zat an thi tawh a ni.

AH & VETY Department Aizawl chuan ni 17 khan Vawkw hri leng darh zel tur dan nan hri lenna veng te chu Infected Area ah alo puang tawh a. MAH& VS, Deputy Director Dr M.Zohmingthangi chuan African Swine Fever hian kum 2021 atang khan Mizoram a chenchilh tawh tih sawiin vawiin thleng in tih reh ala nilo a ti a, tun hnaia boruak rawn lum chhoh avang in he hri hi a rawn darh leh a mipuite fimkhur a ngai a ti.

Nimin thlenga ASF vanga vawkw thi tawh zat hi 174 a ni tawh a, ASF vanga vawkw suat tawh zawng zawng zat hi 68 a ni tawh bawkw. ASF hi mihring in kai thei lo mahse thawmhnaw hak te, vawksa silna thli atang te in ran vulh vawkw ah leh sanghal ten an kai thei thung a ni.

Tunlaia Mizoram leh thenawm state-ah African Swine Fever leng hian ziaawm lam a pan theih loh avangin he hri laka Mamit District mipuite ranvulh an lo him theih nan Additional District Magistrate chuan thuchhuah siamin District danga ASF lenna atangin vawkw, vawksa leh a rep atanga siam ei tur Mamit District chhungah lakluh khap a ni.

<><><>

HOUSE GUTTED

Tukin dar 5:00 vel khan Kolasib Vengthar a chhungkaw pathum luah lai Assam type In, chhawng thum chu bungrua engmah chuh hman loh in a kang a, mihring thi leh hliam erawh a awmlo.

In kang ta neitu hi Pi Lalthakimi , Kolasib Venglai East a cheng niin, In luahtute hi, a hnuai ber luahtu Malsawma te nupa niin, fa nausen pakhat an nei a, a lai ta luahtu hi Pu Lalhmachhuana te nupa niin fapa pakhat leh fanu pakhat an nei a, an fapa pakhat hi nausen thla thum mi a tel a, a chung ber luahtu Salim Ahmed leh a nupui Lalmuanpuii te niin thla khat vel chauh an la luah hman a, anni hi an fanu leh fapa pakhat ve ve te nena cheng anni.

In kàn chhan hi hriat chian nilo mahse, a chung ber luahtu te in a Eichawp Dawr te atanga kang tan ni a hriat ani. Kolasib Fire service te chuan In kang hi theihtawp chhuah in thelh an tum na in, a zualpui chu a kang hman a, a ruangam erawh a kan ral hma in an thelh thei hlah ani.

In kang ah hian eirawngbawlna Gas hman lai pahnih a puak tel tih hriat a, hetihlai hian mihring hliam leh thihna a thlenglo a ni.

<><><>

## MAL BOOK OF THE YEAR

Mizo Academy of Letters (MAL) chuan nimin khan kum 2023 chhunga lehkhabu tha ber atana an thlan, 'Pangparhnima' tih ziaktu Ahmangaihi Khiangte hnenah 'Book of the year 2023' an hlan.

Book of the year hlanna inkhawm ni paha MAL Diamond Jubilee lawmna inkhawm hi nimin khan Chanmari YMA Hall-ah neih a ni a. Inkhawm hi MAL President, Prof. RL Thanmawia chuan a kaihruai a, MBSE Chairman Pu JH Zoremthangan hmanpuiin Book of the year lawmman hi a hlan a. Chawimawina hian thuziak chei (Citation) leh tangka fai Rs. 10000 a keng tel a ni.

Kum 2023 chhung khan MAL chhinchhiah dan chuan lehkhabu 170 a chhuak a. Heng zingah hian Ahmangaihi Khiangte ziak 'Pangparhnima' tih chu Book of the Year, 2023 atana thlan a ni. He lehkhabu hi thawnthu phuahchawp a ni a, a thawnthu phuah dan leh a changtutea duan dan a danglam avang leh a that avangin Book of the Year atan hian thlan a ni a, phek 500 chuanga chhah a ni. Youtube lamah ngaihthlak theihin a awm bawk a ni.

MAL hi kum 1964 khan din a ni a, kumin hi a kum 60 na a ni a, Jubilee pual hian MAL leh MBSE tangkawp chuan chawhnu lamah seminar an buatsaih a. Chawhnu inkhawm hi Prof. Rualkhuma Colney, MAL Vice President chuan a kaihruai a. Hetah hian 'Tunlai Mizo Thu leh Hla Thlirna' tih chu Dr. H.Laldinmawia, Asst. General Secretary, MAL chuan a sawi a. 'Mizo tawng kalhmang: Linguistic lam atanga thlirna' tih chu Dr.Laltleipuii, EC Member, MAL chuan a sawi thug a ni.

<><><>

## LS ELECTION

Lok Sabha Inthlanpui thawh hnihna atan Campaign uar taka neih a ni a, campaign hun hi vawiin hian khar a ni ang. Political Party hrang hrang hruaitute chuan Vote neitute hip tumin ram pumah Rally vawi tam tak an buatsaih a. Inthlan thawh hnih vote thlak hi State leh Union Territory 13-ah Constituency 89-ah Zirtawpni hian neih a ni ang.

Prime Minister leh senior BJP hruaitu Narendra Modi chuan Chhattisgarh-a Janjgir Champa Lok Sabha bialah vantlang inkhawmah thu a

sawi. PM Modi chuan NDA-in a ngaih pawimawh ber chu mi rethei, thalai, hmeichhia, leh loneitute hamthatna a nih thu a sawi. Mahasamund Lok Sabha bial hnuai Dhamtari khawpuiah vantlang inkhawmah thu a sawi baw.

<><><>

## CHINA

China ramah chuan Guangdong province khawthlang lamah ni tam tak ruah nasa takin a sur a, tui chim chin sang zel avanga tang mi maktaduai sawm chuangte nunphung nasa takin a tibuai baw.

An eizawna hmunpui Guangdong province hi China rama mihring tamna ber a ni a, mi maktaduai 127 vel an cheng a ni. State media-te tarlan danin, he province-ah hian nasa takin tui a lian, mi nuai 1 chuang chu hmun him lama sawnchhuah ngai an ni.

Tuilian vang hian Guangdong-ah mi pali an thi tawh a, an zingah hian chhanchhuah hna thawktu pakhat pawh a tel niin state news agency chuan a tarlang. Mi 10 aia tlem lo chu chin hriat lohin an la awm

<><><>